

欽定四庫全書

子部

救荒本草卷七



南京中医药大学图书馆版权所有

詳校官中書臣竇汝翼

編修臣倉聖脈覆勘

欽定四庫全書

救荒本草卷七

周王朱橚 撰


米穀部



可食本草原有十種  
新增八種

葉及實皆可食本草原有十種  
新增四種

果部



實可食

本草原有十種  
新增八種

葉及實皆可食

本草原有四種  
新增一種

根可食本草原有二種

根及實皆可食本草原有二種

蕎麥苗 葉及實皆可食 本草原有



蕎麥苗 處處種之苗高三三尺許就地科叉生其莖色紅葉似杏葉而軟微解開小白花結實作三稜蒴兒味甘平性寒無毒

救飢採苗葉燥熟油鹽調食多食微瀉其麥或蒸使氣餾音溜於烈日中晒令口開春取仁煮作飯食或

磨為麵作餅蒸食皆可

治病文具本草米穀部條下

御米花



御米花

本草名覽子粟一名象穀一名米囊一名

囊生處處有之苗高一二尺葉似龍葉色而大邊皺多  
有花叉開四瓣紅白花亦有千葉花者結殼似匏音炮  
箭頭殼中有米數千粒似蓼子色白隔年種則佳米  
味甘性平無毒

救飢採嫩葉焯熟油鹽調食取米作粥或與麵作餅  
皆可食其米和竹瀝煮粥食之極美

治病文具本草米穀部覽子粟條下

赤小豆



赤小豆

本草舊云江淮間多種時今北土亦多有

之苗高一二尺葉似豇豆葉微圓削開花似豇豆花微  
小淡銀褐色有腐氣人故亦呼為腐婢結角比菉豆角  
頗大角之皮色微白帶紅其豆有赤白黧色三種味甘  
酸性平無毒合鮓食成消渴為醬合鮓食成口瘡人食  
則體重

救飢採嫩葉焯熟水淘洗淨油鹽調食明日豆角亦  
可煮食又法赤小豆一升半炒大黃豆一升半焙二


味搗末每服一合新水下日三服盡三升可度十一  
日不飢又說小豆食之逐津液行小便久服則虛人  
令人黑瘦枯燥

治病文具本草米穀部條下

欽定四庫全書

卷七

山絲苗



山絲苗

本草有麻蕡

音焚

一名麻勃

音字

一名麻母生太山川谷今皆處處有之人家園圃中多

種蒔績其皮以為布苗高四五尺莖有細線橢葉形狀似

柳葉而邊皆有叉牙鋸齒每八九葉攢生一處又似荆

葉而狹色深青開淡黃白花結實小如菉豆顆而匾圓

經云麻蕡此麻上花勃勃者味辛性平有毒麻子味甘

性平微寒滑利無毒入土者損人畏牡蠣白薇惡茯苓

救飢採嫩葉燥熟換水浸去邪惡氣味再以水淘洗

淨油鹽調食不可多食亦不可久食動風子可炒食  
亦可打油用

治病文具本草米穀部麻蕡條下

金華山房全書

卷六

油子苗

